



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK
Služba za privredu, integrisani lokalni razvoj i
društvene djelatnosti



Vogošća, ul. Jošanička br. 80, tel: 00387 33 586-422, fax: 586-420

Broj: 03-21-int broj.1078/19
Vogošća, 20.01.2019. god.

NAROD I PRAVDA
n/r
Danijela Kristić, zastupnica

Predmet: **Mišljenje na zastupničku inicijativu**

Na 16. Radnoj sjednici Skupštine Kantona Sarajevo, održanoj 11.12.2019.godine, zastupnica Danijela Kristić (NAROD I PRAVDA) pokrenula je slijedeću, inicijativu:

„Ovim putem podnosim inicijativu prema Ministarstvu privrede da zajedno sa Zavodom za informatiku i statistiku KS i Općinama u Kantonu Sarajevo pokrene proceduru za online podnošenja zahtjeva prilikom registracije obrta“

Obrazloženje:

Obzirom na komplikovanu administraciju u KS i Općinama u KS, poduzetnici se prilikom otvaranja obrta kao jednog od oblika organiziranja malog privrednog subjekta, susreću sa brojnim problemima. Prepoznajući prepreke i ograničenja sa kojima se susreću poduzetnici prilikom osnivanja obrta, te otklanjajući ista, radimo na unaprijeđenju poduzetničkog ambijenta kako bi kreirali pozitivan ambijent za osnivanje i samo funkcionisanje obrta.

Uvođenjem ove digitalne usluge doći će do uštede vremena koje poduzetnik mora utrošiti da bi predao zahtjev za osnivanje obrta na različitim adresama. Također će doći i do uštede nevidljivih troškova sa kojima se susreću prilikom osnivanja obrta.

ODGOVOR:

Povodom pokrenute zastupničke inicijative, upoznajemo Vas slijedeće:

U članu 1. Zakon o obrtu i srodnim djelatnostima ("Službene novine Federacije BiH" br: 35/09 i 42/11) propisani su uvjeti, obavljanje obrtničke i srodne djelatnosti, registracija, poslovanje, zajedničko obavljanje i prestanak obavljanja obrta i srodnih djelatnosti, obrazovanje i osposobljavanje za obavljanje obrta i srodnih djelatnosti, organiziranje obrtnika i lica koja obavljaju srodne djelatnosti i nadzor.

Članom 9., 10., 14., 16., 18., 19., 21., i 22., Zakona o obrtu i srodnim djelatnostima Federacije BiH, propisani su; uvjeti za obavljanje obrta, posebni uvjeti za obavljanje obrta, minimalni uvjeti, otvaranje obrta, obrtni registar i sjedište obrta, iz čega proizilazi zaključak da se ovdje radi o oblasti koja je regulisana Federalnim zakonom.

Zakonom o obrtu i srodnim djelatnostima Federacije BiH propisani su uslovi koji su potrebni da se ispune za osnivanje obrta i srodnih djelatnosti i koja dokumentacija je potrebna za donošenje rješenja o osnivanju obrta i srodnih djelatnosti i njihov upis u jedinstven Registar obrtnika koji se vodi pri svakoj općini na području Federacije BiH.

Organi uprave odnosno općine na području Federacije BiH donose rješenja po osnovu propisa koji je u nadležnosti Federacije BiH, u ovom slučaju na osnovu Zakona o obrtu i srodnim djelatnostima ("Službene novine Federacije BiH" br: 35/09 i 42/11) koji je materijalni propis koji se primjenjuje na području cijele Federacije BiH.

Kantoni odnosno Županije nemaju nikakvu nadležnost što se tiče obrta i srodnih djelatnosti, već je to isključivo u nadležnosti Federacije BiH, iz čega proizilazi činjenica da se treba tražiti izmjena Zakona o obrtu i srodnim djelatnostima Federacije BiH.

Organi uprave pored materijalnih zakona u svom radu primjenjuju i procesne zakone kao što je Zakon o upravnom postupku Federacije BiH ("Službene novine Federacije BiH" broj: 2/98 i 48/99).

Članom 48., 52., 56., 63., 69., 80., 97., 121., 133., Zakona o upravnom postupku Federacije BiH, propisani su uvjeti za vođenje upravnog postupka, stranka i njeno zastupanje, procesna sposobnost i zakonski zastupnik, punomoćnik, podnesci, pozivanje, način dostavljanja pismena, rokovi, pokretanje upravnog postupka i postupak donošenja rješenja.

Također i u ovom slučaju Zakon o upravnom postupku Federacije BiH je Federalni propis a ne Kantonalni.

Na osnovu naprijed navedenog smatramo da "online" podnošenje zahtjeva je opravdano za neke podneske koji su jednostavni a koji se odnose na dostavu informacija pri čemu se treba voditi računa o odredbama Zakona o zaštiti ličnih podataka ("Službeni glasnik BiH" broj: 49/06 i 76/11)

Donošenje rješenja o osnivanju obrta i srodnih djelatnosti ili donošenja rješenja o osnivanju ugostiteljske i trgovačke djelatnosti, slijedi nakon što se stranka obrati pismenim zahtjevom i prikupljenom dokumentacijom koja je propisana Zakonima i priloži odgovarajuću Administrativnu taksu koja je također propisana Zakonom o administrativnim taksama – Prečišćeni tekst ("Službene novine Kantona Sarajevo" broj: 30/01, 22/02, 10/05, 26/08 i 23/16).

Prijedlog da se osnivanje obrta ili neke druge djelatnosti podnosi "online" je samo po sebi komplikovano pitanje iz slijedećih razloga:

- Zahtjev za osnivanje obrta nije samo jedan dokument koji se može "online" poslati, već zahtjev za osnivanje obrta podrazumjeva predaju dokumentacije koja je propisana Zakonom o obrtu i srodnim djelatnostima
- Različite institucije izdaju različitu dokumentaciju koju je potrebno predati uz zahtjev a propisana je Zakonom o obrtu i srodnim djelatnostima
- Troškovi postupka i administrativna taksa za donošenje rješenja o osnivanju obrta i srodne djelatnosti su propisani Zakonom o administrativnim taksama Kantona Sarajevo i taksa se ne može predate "online".

Postavljamo pitanje:

- Da li je lakše prikupiti dokumentaciju za pokretanje obrta i taksu koja je propisana Zakonom i predati na protokol općine ili putem Pošte, ili je lakše svu dokumentaciju koja je propisana Zakonom skenirati i poslati "online" na protokol općine.
- I da li svi građani na području Kantona Sarajevo imaju skener i računare da bi se obraćali "online" zahtjevima

Što se tiče troškova a koji su vezani za osnivanje obrta oni iznose 80 KM Administrativne takse, ostali troškovi se odnose na plaćanje Uvjerenja o poslovnoj sposobnosti (izdaje Služba socijalne zaštite općine prebivališta podnosioca zahtjeva), Uvjerenje da pravomoćnom sudskom presudom ili rješenjem o prekršaju, nije izrečena zaštitna mjera zabrane obavljanja obrta (izdaje Općinski sud u Sarajevu, Prekršajno odjeljenje) i Ljekarsko uvjerenje / Radna sposobnost izdaje JU Domovi zdravlja KS.

Navodi koje ste naveli da se poduzetnici prilikom otvaranja obrta kao jednog od oblika organiziranja malog privrednog subjekta, susreću sa brojnim problemima i da je komplikovana administracija u Kantonu Sarajevo i općinama u Kantonu Sarajevo, samo su posljedica komplikovanog Zakona koji su na snazi i po kojima organi uprave moraju da postupaju.

S poštovanjem!

Zeherović Amela dipl.pravnik.

Dostavljeno:

1. Naslovu
2. Dosije
3. NAROD I PRAVDA, Zastupnica Danijela Kristić,
4. Arhiva

